

五  
四  
三  
二  
一

十一  
載

四  
一  
百

日  
三  
十

瀛環志略

五

第二

明治十七年


日版風

地圖

明治十七年

奧地利  
亞圖

地圖



海邊島嶼





奧地利亞國

奧地利亞國 阿士得登亞 ○ 奧斯的里亞 ○ 阿士底拉 ○ 歐  
塞特里阿 ○ 莫爾大末亞 ○ 東國 ○ 雙鷹國 歐羅

巴大國也其高船初抵粵東時旗畫雙鷹遂訛稱為雙鷹國止

界魯魯士義羅斯南界土耳其抵亞得亞海隅竟大里亞各國

西界瑞士暨日耳曼各國東西三千一百餘里南北一千八百

餘里其地古時為新西亞諾力加巴納尼亞等國羅馬征服之

後為北狄所據唐貞元間佛郎西取其地立為別部元初日耳

曼有酋羅爾德福者號聰敏攻獲奧地日耳曼各部推立為王

稱為東國然疆土褊狹無大權傳至阿爾麥配匈牙利女主匈

牙利因合於奧驟益疆土數千里遂為大國明正德十四年國



內亂時西班牙王查理第五賢能得民舉日耳曼諸部招之來  
 舉奉以為日耳曼王王治軍行法聲威大著佛郎西來攻王與  
 戰破之禽佛王徙之西班牙佛人以金贖之乃放還嘉靖四年  
 復得伯國地即不威疆土愈廣查理第五歿其弟嗣位明於法  
 律簡任廉能國大治時意大里衰亂帥師伐之割其北境圖羅  
 馬一年城幾陷意大里諸部皆臣服由是日耳曼稱霸西土萬  
 曆四十六年王西耳地難嗣位先是查理第五尚洋教禁西教  
 至是臣民復有從西教者王禁之甚力違者加以刑臣民合黨  
 攻王王誅滅之遂舉國奉洋教無敢異康熙三十九年日耳曼  
 各部皆自立為王從此東國稱奧地利亞不復稱日耳曼時西

班牙王歿無子舉王以為其宗國也欲立其子而佛郎西王欲  
 立其子孫兩國構兵十餘年佛王卒立其孫為西班牙王康熙  
 四十九年王查理第六嗣位委政臣下尋歿無子傳位於女女  
 聰敏能持國柄治軍嚴整隣不敢侵女主歿王約也弟第二嗣  
 時波蘭衰亂王與俄羅斯普魯士瓜分其國由是幅員之大遠  
 流洋於西土王好西教廢洋教洋教之黨欲為亂王悼歿嘉慶  
 年間佛郎西拿破侖得國恃兵力征伐四隣日耳曼列國皆納  
 款舉屬藩比利時亦被侵略詳比利時而不為之下佛無如之何  
 也拿破侖既敗喪嘉慶二十年歐羅巴諸國各遣公使赴維也  
 納奧地利會議凡佛郎西摧破各國皆申畫疆圻重定盟約以

日耳曼列國雖各復故土而散弱不能自立乃議立公會聯結為與國以舉為會盟之長日耳曼列國之主時來朝議國事舉嘗與土耳其構兵三十年講和而罷其國大勢分四部曰日耳曼地舉之故土也曰意大利地曰波蘭地後來之所割據也

舉地利之日耳曼故土在日耳曼列國之東南山嶺重疊產水銀硃砂鐵草場豐廣每歲所產牛馬羊以萬億計有多惱大河可通舟楫地分五部○舉地利亞內分兩部南曰上舉地利亞北曰下舉地利亞都城在下舉地利亞曰維也納一作危阿納又作味能居民三十萬王宮闕麗王自奉甚約不尚體統與百姓往來如

家人其民以此親附俗重紡績產希帛最多女子美容淫泆

無聞教附近有耳城居民三萬六千有書院藏書七萬冊○

的羅爾一作地羅里在兩舉地利之西遍地皆山會城曰音斯不羅

各一作不其民以獵為生或擔負傭趁四方性獷直而多力當佛

郎西來侵此土之民奮力擊退稱為義勇○義士的里亞一作利

在土舉地利之西南會城曰加杜德斯一作刺居民一萬一千

其山洞穴玲瓏巖袖重複民以造磁器織綢緞為業○宜黎里

亞在義士的里亞之東南會城曰的里也斯德一作得刺亞在亞得

亞海隅為地中海大埔頭居民四萬每歲出入之船八千隻○

不威迷亞一作伯開又作波希米在下舉地利之北舊本日耳曼列國為

泉所滅地形如釜其外山嶺界隔其中川谷深遠土田之沃為  
 塞上壤會城曰巴拉加產五穀牲畜鋼鐵麻居民善造玻璃器  
 運行四方獲利無算地有書院習文藝者八百餘人○摩拉維  
 亞一作在不威迷亞之東壤地僻小所產麻呢布甚多會城曰  
 阿里木極堅固○以上各部皆入日耳曼同盟公會應出兵九  
 萬四千八百詳日耳曼列國圖說

奧地利之意大里地總名倫巴爾多威尼西亞分兩部○米  
 蘭在的羅爾之南東南際亞得亞海幅員較廣其地山水佳勝  
 有教祖廟肖像最巨闊二十七丈高三十三丈西土以為異觀  
 會城居民十五萬所轄百餘城居民三萬額摩拿城居民二萬

六千曼士亞堅城也嘗為他國所攻久圍不能下羅味亞城居  
 民二萬一千羅地城居民一萬八千皆意大里名邑也○威內  
 陸一作臨亞得亞海幅員甚狹而戶口極繁古時為地中海最  
 大之海口萬艘鱗集握全海之利權者千有餘年今已衰廢貿  
 易無多居民尚十萬一千城建水中街衢皆小河飛橋橫跨不  
 礙舟行所屬巴士亞居民五萬內有書院肄業者三百人味羅  
 拿居民五萬五千味羅撒居民三萬燕地拿居民一萬八千  
 奧地利之匈牙利地一作翁給里亞又作寒牙里又在國之東  
 界古時匈奴有別部轉徙至此攻獲那靈彌地於趙宋咸平年  
 間立國稱雄一時久而寢衰明建文年間女主伊利薩麻嗣位

配皇王阿爾麥為夫婦。時匈牙利為波蘭所攻。土耳其屢侵南境。皆賴塞地利兵力。退敵保疆。遂挈國合於塞。其地幅員倍於塞本國。半山半土。多樞河橫流其間。山出金銀銅鑛。每歲得金一千餘劔。銀四萬餘劔。土得穀田五萬頃。草場七萬五千頃。林九萬頃。園六萬頃。產五穀。牲畜葡萄。酒麻丹參。蜜俗不翦髮。編辮戴小圓帽。外加闊邊帽。服色尚藍。與歐羅巴諸國迥異。地分五部。○匈牙利內分兩部。曰下那靈彌。曰上那靈彌。會城在下那靈彌。曰伯靈。匈之舊都也。建於多樞河濱。居民四萬一千。所轄曰伯息。居民六萬一千。牲畜五市之地也。附近有補地城。居民三萬四千。仲亞。居民一萬七千。半以攻鑛為業。產銅尤多。阿

丁堡。居民以釀酒養猪為業。每歲售猪八萬。刺固城。地當衝要。土耳其數來攻。五廟邑為自古文儒聚會之區。得伯新邑。五市之地也。土額丁。居民三萬。勤於農作。產煙草。○達那西里。元臣亞。又名七山。在匈牙利之東南。山嶺高際霄漢。出金鐵鑛。會城曰黑曼。居民二萬。所屬會城。居民三萬。與土耳其互市。極繁盛。有書院肄業者一千二百人。○哥羅瓦西亞。一作在匈牙利之南。七山之西。會城曰亞哥耶。其民勤於農作。悍勇過人。塞人募為游兵。能破強敵。產五穀。煙草。○斯加拉窩尼亞。在哥羅瓦西亞之西。會城曰梭塞各。土俗與哥羅瓦西亞同。以上三部。南界皆隣土耳其。各練農民為鄉勇。土人來侵。則合力禦之。○達爾



馬西亞一作搭馬在亞得亞海濱與壹黎里亞相接地形狹長土磽

瘠不足於耕民多捕魚或為海盜會城曰撒刺戶口甚稀山產

藥材叢間出野蜂蜜所屬加池羅城壁堅池深隄為險固

奧地利之波蘭地曰加里細亞一作牙里西地平坦有沙磧多林薄

熊狼所宅獵者殺之獻其皮官為給價其土鹵可以煎鹽民惟

務農不解紡績衣食皆粗糲會城曰稜卑爾各一作隣山內有書院

○布哥維爾本土耳其地奧割得之因與加里細亞昆連故附

波蘭部境土數百里會城曰達爾奴波羅居民九萬三千城內

多廟宇僧尼甚衆其民長於貿易雖隸於奧而自有酋長主國

政

按日耳曼全國時以奧地利為共主諸部如畿內之侯當查

理第五之代興也擄喇王服羅馬無荷蘭聲靈赫濯幾於霸

矣惜乎力崇洋教而仇視西教詳荷蘭國說啓累代之兵端開殘

殺之劫運則貽謀之不善也厥後日耳曼列侯皆自王其國

無復臣主之分奧地利疆土之恠闊雖數倍昔時而聲威則

遠遜矣今西土論國勢者英吉利第一佛郎西第二俄羅斯

第三奧地利第四

普魯士國之地理  
 普魯士國之歷史  
 普魯士國之政治  
 普魯士國之經濟  
 普魯士國之文化  
 普魯士國之教育  
 普魯士國之軍事  
 普魯士國之外交  
 普魯士國之宗教  
 普魯士國之藝術  
 普魯士國之科學

# 普魯士圖

張  
圖

國境 國境

海平西大

海約葛波

士魯非東

亞兒拉美波

士魯非西

河澤河

日耳曼界

巴即的  
不吉尼

森洪

我羅斯界

荷蘭界  
日耳曼界

耶納物

日耳曼界

薩克索  
尼里

曼丹

河林阿

小西亞  
海島亞

大魯丁

日耳曼界

日耳曼界

河西美

墨西哥加

瑞士德  
薩里亞

日耳曼界  
集地利界

海約葛波  
海島亞

海島亞  
日耳曼界  
佛耶西界

日耳曼界

海邊看古圖





普魯士國

普魯士。普魯社。○普魯士。○波魯斯。○波魯西。○部魯西亞。○不魯西亞。○瑞魯寫。○圖理雅。○北阿爾彌亞。○單魯

國亦歐羅巴大國亞於東地利亞東稱爲單魯國亦因其商

舶所畫之旗而得名也北距波羅的海東界俄羅斯南界奧地

利亞西雜日耳曼列國界荷蘭比利時東西約二千一百餘里

南北約一千一百餘里其地古時爲北狄所據南宋時日耳曼

人征服之立爲別部後爲波蘭所無弁明萬歷間日耳曼之巴

郎德不爾厄部復取其地立國奉職忠謹日主悅之屢益以地

康熙三十九年乃自王其國其王長於翰畧節衣蓄食帑藏豐

盈子菲烈特第二嗣位雄武有大志屢勝強敵擴地愈廣王卒

姪嗣位。淫泆無度。沈湎於酒。國勢驟衰。時佛郎西傘破命得國。嘉慶十一年以大兵伐普。王啡哩特威廉第三初嗣位。力不能禦。佛人割其境土之半。普遂削弱。後六年。普民不悅佛政。思故主。王因民之怨佛也。與諸國合縱攻之。佛師潰而棄地。普遂復其故土。王乃增修國政。勸農工。設學館。惠商旅。由是百姓親附。隣國之民皆喁喁慕義。遂為西土顯國。其國大勢分東西兩土。共八部。有在日耳曼界內者。有侵割他國得之者。其制民及歲者。工入肆。秀入學。否則罰其父母。年二十以上。男丁皆入伍。學藝三年。放歸。每歲秋操。閱賞罰之。故其國兵彘而強。額兵計十六萬五千。內宿衛一萬八千。騎兵一萬九千。炮手一萬五千七

百。步兵十萬四千。別有民壯三十五萬九千二百。舉國尚西教。普魯士之東部。首曰巴郎。的不爾厄一作班。境內阿得河縱橫

交流。沿河沮洳草場。豐茂便於牧畜。餘地平坦。多沙磧。故田不足於耕。松楸鬱鬱成林。材木無缺。都城曰百靈。一作石靈。又

周三十六里。有十五門。二十二市。居民二十二萬。皆奉西教。城

內有孤子院。收養惇獨。有醫院。居旅客貧民之染疾者。有武藝

院。教擊刺。有文學院。肄業者一千六百餘人。有軍器局。貯大炮。

王殿長四十六丈。闊二十七丈。高十丈。規模極宏壯。百官之居

亦整潔。百工諸術。各有學院。鐵器最精。工細若金銀所造。磁器

尤良。堅緻不亞。萃產而價甚廉。大呢羽織布帛山積。遠客咸來。

貿易故稱西土大都會。所屬谷丁堅城也。蘇邑粟土老皆屬邑之豐美者。○波美拉尼亞一作破墨隣在巴郎的不爾厄之北臨波羅的海。其南土田肥沃。其北近海窪下。多沙阜。出琥珀。土人得之用以裝飾寶器。產木料麻五穀。會城曰斯德丁。一作士在阿得河濱。河流深廣。海船可以出入。以此估帆雲集。貿易繁盛。郊外長大之海口。稱為瑞臨口。所屬卑他港城在波羅的海濱。居民一萬五千。多與綿羊毛。由此出運。城最堅。敵屢攻之不下。其將誓曰。懸此城於天堂。我亦必取之。已而竟不能破。額林城有書院。招進四方之遊學者。吉林城在海濱。有通衢廣廈。文士所居。薩牙居民七千。厦屋雲連。稱為大邑。北勒居民四千。城外有

池。初入西教者。往受洗禮。以此名著西土。其地土脈腴。其穀麥有餘。出糶遠方。罕此近海。有小河可通。城內居民多以琥珀造

奇器。

○細勒西亞

一作治勒

在巴郎的不爾厄東南。山嶺橫亘西南。

阿得河由此發源。其土大半膏腴。可耕之田六萬九千頃。然常患人滿穀不足。資接糶於他部。產絲最細。足供織紵。八千綿羊。

毛甚豐。售於英吉利。山產鐵。每年得一十五萬石。銀二十六百七十斤。會城曰北勒斯勞。一作伯老居民八十萬六千。百工畢集。文

儒萃焉。河濱列城五。曰瑞匯。曰勒匯。曰額刺。曰我告。曰匿士。皆

有金湯之勢。

○薩克索尼亞

一作薩普

在巴郎的不爾厄之西。與川

耳曼各部牙錯。日耳曼小部有包括於境內者。地產五穀羊毛。

其民溫和好禮奉西教甚篤會城曰馬得不爾厄一作陸壘高

池深屢捍大敵居民三萬二千所屬哈勒有大書院肄業者千

餘人別有廣厦收養孤獨吉令堡昔為洋教女尼所掌今居民

奉西教毀其祠宇○普魯士部在國之極東北境臨波羅的海

與俄羅斯連界其國以此部之名為國名地分東西兩部夷坦

無山產五穀堪出糶松楝高大材中舟楫半售英國會城曰哥

尼斯北角一作玉山居民六萬三千城週二十七里空闊難守所屬

但澤城在河澤河相連之海口居民六萬貿易甚繁每歲入口

之船十餘運麥糶於他國其城嘗為敵所圍亡失甚多北境有

城曰墨麥與西國通商又得實城極廣大嘉慶十一年與佛郎

西議和於此益平城係大海口每歲入口之船一千四百○波

森一作波新在巴郎的不爾厄之東本波蘭地普與俄國兩國瓜分

得之地出五穀無別產會城曰波森街市寬廣居民二萬五千

當普人初據其地民懷故國多怨思普治以惠政民乃昏悅其

俗尚崇洋教

普魯士之西部與東部不相連中隔日耳曼數小國地分二部

南曰維七一作法里亞多大澤叢林居民以漂麻織布為

業善造火腿銷售過於西土會城曰開士一作法里亞俗尚洋教○北曰

勒耶納一作如勒又分兩部曰上萊尼曰下萊尼上萊尼沿河傍山

會城曰哥羅尼亞一作可倫在萊尼河濱居民五萬善造鐵器織綢

緞布疋所製香水最佳。河內販運之舟。往來如織。所屬木城有大書院。錫百田。戶口繁密。百工萃處。突鄰在萊尼河濱。城內街衢闢朗。多廣廈名園。○下萊尼在上萊尼之西南。與維士德發里亞昆連。山水清麗。時有遠客來遊。出葡萄酒。五穀缺乏。會城曰谷隣亦在萊尼河濱。所屬得味。居民一萬二千。其城最古。亞全居民三萬二千。勤於紡績。○普魯士東西八部。除普魯士波森兩部外。餘六部皆入日耳曼同盟公會。應出兵七萬九千二百。

歐羅巴人皆稱普魯士為善國。強大不如奧地利。而修政睦隣。不事樓伐。則遠過於奧。非哩特威兼第三遭強隣之難轉

敗為功。有術文大布大帛之風。其治軍亦得古人寓兵於農之意。豈可以荒裔而忽之哉。



--	--	--	--	--	--	--	--	--	--	--	--	--	--	--	--	--	--	--

日耳曼  
列國  
備



大洋西海

又海



陸克亦見其三月後吉和郡則之東有陸克亦  
 所合其國口處而高以備凡蓋亦不備肥瘠時  
 備之則其國以之而已日餘此種地則以計其  
 地不計其地亦其地亦論其地亦不計其地  
 亦亦亦亦亦亦亦亦亦亦亦亦亦亦亦亦亦亦  
 之中亦亦亦亦亦亦亦亦亦亦亦亦亦亦亦亦亦亦

韓界之京郡

漢邊書



上界前圖





日耳曼列國

日耳曼 ○阿勒曼 ○阿理曼 ○亞里曼 ○占曼尼 ○歐羅巴古大國

也。其地縱橫皆數千里。北扼波羅的海。南踐地中海。為歐羅巴

之中原。上古時。五方之民雜處。分數十小部。羅馬盛時。征服之

尚未盡。入版圖。佛郎西既興。其王甲利奉甫一作加爾林攻滅

日耳曼諸部。地隸佛版百餘年。梁乾化元年。部人畔佛。復推佛

郎哥尼亞酋長官拉多為王。王不世。及惟衆所推。薩克索尼亞

佛郎哥尼亞等亞維亞三部之酋。先後據王位。元初。塞地利亞

酋長羅爾德福為王。能服衆。由此繼序不復推。至明初。日益強

盛。聲威四播。與羅馬代興。康熙三十九年。各部皆自王其國。

不相臣屬。塞地利既并，兼坐大普魯士，亦拓地稱雄。兩國皆自有名，不復稱日耳曼。所餘遮西一片土，分三十六部，稱王者四餘。以次遞降，如中國之公侯伯。大者千餘里，小者乃數十里。東界塞地利亞普魯士，西界荷蘭普魯士，佛郎西，北界連國暨波羅的海，南界瑞士意大利，南北約二千四百里，東西約二千二百里。嘉慶十一年佛郎西拿破侖以兵謁日耳曼列國，皆降之。部落多所更易，後八年拿破侖敗，日耳曼列侯各復舊土。嘉慶二十年各國公使會議於維也納，塞地利以塞地利普魯士本日耳曼所分，而建國荷蘭與日耳曼牙錯合四國於日耳曼列國，稱同盟四十國，以塞地利為盟長，各按戶口多寡定兵數。每

百人應出額兵一名，每二百人出援兵一名，共三十萬四千餘。

各國公使皆駐佛郎渡，即佛郎克佛爾有大事則會議，防兵分十二隊。

畫地立營，總帥一人，各國公舉。然為帥者多塞地利人，他國人

不敢當此任也。各國語音皆同，有奉西教者，有仍奉洋教者，地

氣北寒南暖，多腴壤，五穀百果皆宜，花卉亦繁，產金銀銅鐵錫

鉛寶石玉石花石，磁石滑石磁石陽起石黑礬白礬硝磺礪沙

磁粉。

巴威也拉，一作巴華里在日耳曼東南方，南北一千一百餘里，

東西八百餘里，在列國中幅員最大，爵稱王，戶口四百七萬餘。

公會應出兵三萬五千六百，昔時嘗與佛郎西結盟，以攻日主。

都城曰慕尼黑。一作街市華潔其民善造細皮清玻璃時辰表工力巧捷名播四方。各國皆與通市。其制於七十人中。選明通有識者一人赴京辦事。謂之事主。有大事則國王會衆軍士商決之。初造時辰表之城曰屈林山。又有兩城曰兩山。曰澳堡。今雖蕭索造器之工尚夥。

瓦爾敦巴爾。一作威丁山又在巴威也拉之西南北五百里東

西三百六十里。爵稱王。戶口一百五十二萬。公會應出兵一萬

三千九百五十。四境多山嶺。出葡萄酒與各果實。都城曰斯都

德牙爾。一作

薩克索尼亞。一作撒遜又在巴威也拉之北為日耳曼適中之地

東西五百里南北三百里。爵稱王。戶口一百四十萬。公會應出兵一萬二千。國之南界有大山綿亘。與奧地利巴威也拉昆連。山產銀鑛最王。開掘已五百年。尚未盡竭。昔時西國之銀多出於此地。乏五穀。居民夏則攻鑛。冬則挾餘資。遊四方。飲食宴樂。資盡而反。都城曰德勃斯達。一作德傳王宮與教祖堂極宏麗。民多養綿羊毛。蠶細軟。用織大呢。又造磁器甚精。不亞中國之產。前明時。撤有名人曰路得。能譯解教音。別立西教名。以別異於洋教。由是西教盛行。而洋教之權衰。國有大邑曰來責。每歲設市二次。諸國商賈雲集。其地所出者書籍。印最精。各國之文字。百家衆術之著作。無不畢備。每年所售。無慮數萬億冊。價值數

百萬圍。

亞諾威爾一作漢那耳。又作漢那華。又作漢那瓦。在日耳曼之西北境。與建國接

壤。南北八百七十里。東西五百四十里。爵稱王。戶口一百五十

五萬。公會應出兵一萬三千五十。境內平垣。沙磧居半。惟沿河

有沃田草場。無產。康熙五十二年。亞諾威爾有王若耳治

稱賢德。值英吉利王威產第三卒無子。英之臣民。招若耳治奉

以為主。子孫承繼。至於今。亞諾威爾別立支子。故亞諾威爾為

英之宗國。百餘年來。依為唇齒。道光十七年。亞諾威爾內亂。他

姓代立都城。同國名。有大書院。曰可守廷。收教幼學。聲名最著。  
其境有亞爾敦。不爾厄。幅員頗廣。列國中有諸克。撒亞。爾敦。不爾厄。乃合三島為國。合計袤延僅百餘里。與此土廣狹不侔。此

土或別有所屬。抑即諸克。撒地。存候再考。

巴敦一作巴丁在瓦爾敦巴爾之西。南北七百里。東西三百四十里。

侯國之最大者。山嶺盤迴。峰巒秀出。風景清華。為日國之最爵

如上。公戶口一百十三萬。公會應出兵一萬。都城曰如亞斯盧

合一作甲也。產麻豆葡萄酒。按塞一作黑西在亞諾威爾之西南。長三百二十里。廣二百里。爵如

上公。戶口七十萬。公會應出兵六千一百九十。都城曰達拉摩

斯達一作馬因崇墉屹立。炮門環繞。外濬深池。敵不能攻。產麻烟葡

萄酒。

按塞加塞爾一作黑西與按塞昆連。長四百里。廣二百五十里。

爵如上公。戶口五十九萬二千。公會應出兵五千六百七十。都城曰加塞爾。其制幼主不得治事。母后或至戚居攝。俟年十八乃反政。地多山。產銀銅鐵鑛。

梅略後不爾厄。一作墨。有二國。在北方。一曰斯非麥。長四百里。

廣二百八十里。爵如上公。戶口四十三萬一千。公會應出兵三千五百八十。都城與國名同。一曰斯德勒利也斯。長一百八十里。廣一百里。爵如上公。戶口七萬七千。公會應出兵七百十七。都城曰齊爾敦不爾。兩國地平坦。饒牲畜。

威馬爾。一作威密。薩克索尼亞所分國。昔有薩克索王裂國之西界。

以封五子。故五子各守封地。不屬於薩克索。威馬爾地錯雜於

隣國之中。不相聯絡。約計袤延三四百里。爵如上公。戶口二十二萬二千。公會應出兵二千一百。民多穎慧。其君好招納文士。故學業稱盛。都城與國名同。

薩克索各不爾厄。額連。一作撒。亦可。亦薩克索所分地。錯雜於列國

之中。不相聯絡。約計袤延三四百里。爵如公。戶口十四萬五千。公會應出兵一千三百九十。地有牧場。山出金鑛。現英吉利女

主之夫博雅那。即此國之世子也。都城曰各不爾厄。

薩克撒亞爾敦不爾厄。一作撒。黑堡屋。亦薩克索所分。合亞爾敦不爾厄。羅內不爾厄。埃森比爾各三邑為國。約計袤延百餘里。爵如

公。戶口十萬七千。公會應出兵一千二十。都城曰亞爾敦不爾



厄。

薩克撒梅疑說。一作撒買疑亦薩克索所分。長五百里。廣一百二十

里。爵如公。戶口十三萬。公會應出兵一千二百六十。都城曰梅

疑。其地產鹽。

按塞烘不爾厄。一作黑堡。亦薩克索所分。國分兩地。一曰烘不爾厄。

一曰英塞內。英合計約數十里。爵如伯。戶口二萬一千。公會應

出兵二百。都城曰烘不爾厄。

拿捺。一作拿坤。長二百二十里。廣一百五十里。爵如公。戶口三十三

萬。公會應出兵三十二。昔嘗為荷蘭所無。并國人逐荷蘭酋。

復立故主。都城曰維斯巴敦。地產葡萄酒與各果實。夙稱富饒。

不倫瑞克。一作保林帥。地不相連。有包於普魯士境內者。有括於到

諾威爾境內者。約計袤延二三百里。爵如公。戶口二十四萬二

千。公會應出兵二千九十。都城與國同名。

安拿爾。一作安合。分三國。一曰德接。地錯雜列國之中。約計百餘里。

爵如公。戶口五萬六千。公會應出兵五百二十。都城同國名。一

曰伯爾尼不爾。地錯雜普魯士境內。分上下二處。約計百餘里。

爵如公。戶口三萬八千。公會應出兵三百七十。都城同國名。一

曰喀敦。地分四處。在黑理巴河之左者二。在河右者二。約計百

餘里。爵如公。戶口三萬四千。公會應出兵三百二十。都城同國

名。三國地雖褊小。而民居密匝。城邑相望。山水最佳。足供遊賞。

都城各有圍亭。極幽雅。

留斯一作策士分三國。一曰喀勒斯。長七十里。廣五十里。爵如侯。戶

口二萬五千。公會應出兵二百。都城同國名。一曰意士給利斯。

夷延約數十里。爵如侯。戶口三萬。公會應出兵二百八十。都城

同國名。一曰羅希斯的音本與意士給利斯為一國。後拆為二。

夷延約數十里。爵如侯。戶口二萬七千五百。公會應出兵二百

六十。都城同國名。

斯瓜爾斯不爾。分二國。俱包普魯士境內。一曰靈德耳斯。建長

九十里。廣七十里。爵如侯。戶口五萬七千。公會應出兵五百三

十。都城同國名。一曰孫德耳。長一百二十里。廣六十里。爵

如侯。戶口四萬八千。公會應出兵六百九十。都城同國名。

里卑一作立北分二國。在亞諾威爾之南。一曰德爾摩爾。長一百二

十里。廣一百里。爵如侯。戶口七萬六千。公會應出兵六百九十。

都城同國名。一曰燒開不爾厄。長八十里。廣三十里。爵如侯。戶

口二萬六千。公會應出兵二百四十。都城曰不給不爾厄。

機爾德一作尼林。長一百二十里。廣八十里。爵如侯。戶口五萬四

千。公會應出兵五百十八。都城曰哥爾巴士。

門疾索勒爾一作素林。分二國。皆普魯士王之支庶。一曰昔麻諾。長

一百二十里。廣七十里。爵如侯。戶口三萬八千。公會應出兵三

百五十。都城同國名。一曰埃澤諾。長八十里。廣三十里。爵如侯。

戶口一萬五千。公會應出兵一百四十。都城同國名。

列支敦士敦。一作長六十里。廣三十里。在薩克索南山中。齋如

侯。戶口六千。公會應出兵五十五。都城同國名。

此外北境尚有小國五。皆商賈萃集之地。自推梭戶為官司理

事。不隸王侯。一曰昂不爾厄。一作漢堡。地間隔不相聯。約計衰延四

五十里。戶口十四萬八千。公會應出兵二百九十。會城在馬

河口。為各國互市之地。其船時至粵東。一曰不來梅。一作包亞

諾威爾境內。衰延約三十里。戶口五萬。公會應出兵四百八十。

通商在威悉河濱。其船亦時至粵東。一曰佛郎克佛爾。一作佛

地不相聯。衰延約三四十里。戶口五萬四千。公會應出兵四百

七十。其城臨河。古時所築。各國公使防兵皆駐此城。每年開大

市一次。遠方商賈輻輳者數千帆。一曰靈卑。一作利比。地不相聯

衰延約三四十里。戶口四萬六千。公會應出兵四百。一曰尼發

深。周廻僅數里。戶口二千八百九十。公會應出兵二十八人。

日耳曼界內。江河最長者為萊因河。由南而北。轉西至地國界

入海。河濱土脈肥潤。產葡萄最良。沿河多名山古蹟。風景清美

時有遠客來遊。多憫。河亦大水。在日界內橫流如帶。北方則易

北。河其名水也。其民居北方者。多強健性淳良。好學術。南方民

風奢侈。日惟醉飽無遠圖。西南一帶。民多勤苦謀生。力作不倦。

界內列侯壤地雖小。而與諸大國婚媾往來。用敵體禮。其同盟

公會條約雖甚堅明。然分土既衆。不免齟齬之爭。遇大敵則心  
力不齊。難於制勝。幸維也納軟盟之後。佛郎西止戈保境。未發  
難端。或亦慮衆怒之難犯耳。

按日耳曼為歐羅巴適中之地。似中國之萬維其人。聰明闊  
達。西土以為貴種。其分土列爵。似三代封建之制。自各部擁  
上自王。奧地利雖疆土日擴。共主之名不復存。然小侯數十  
傳爵土於子孫。而諸大國無吞噬之謀。則猶有古意存焉。又  
佛郎西英吉利立國之祖。皆日耳曼人。諸國每遭喪亂。輒招  
致日耳曼列侯。或世子為王。大國如英吉利。小國如比利時。  
希臘皆是也。殆西土王氣之所鍾歟。

# 瑞士國

瑞士國



瑞士國

瑞士國○末色楞○在日耳曼之南。奧地利亞之西。佛郎西

瑞士

瑞士

瑞士

瑞士

之東。意大利亞之北。東西約五六百里。南北約三四百里。萬山疊峙。中峰高接霄漢。常積冰雪。歐羅巴大河。多由此發源。其地山水清奇。甲於歐土。西境有官斯丹薩大湖。圍以密林。縈以清澗。豐草芳緝。麋鹿群游。尤為幽勝。地產五穀藥材。所造奶餌。極甘香。居民大半以牧畜為生。夏月驅牛羊入山。秋冬乃返。國無苛政。風俗檢樸淳良。數百年不見兵革。稱為西土樂郊。古時地屬羅馬。羅馬衰亂。北狄不爾給農人據之。旋為佛郎西所有。後為日耳曼所奪。其民驍勇。日耳曼選為親軍。臨陣皆効死力。戰



元大德年間日耳曼王亞里伯爾多特斂無藝濟以酷刑瑞士人不能堪逐日耳曼守土吏各推頭人據險畫疆告絕於日耳曼其地斗絕人健鬪日耳曼不能收復亦遂聽之初分三部後分為十三部皆推擇鄉官理事不立王侯如是者五百餘年地無鳴吠之擾西土人皆羨之嘉慶三年佛郎西攝王拿破命時破尚以兵力強取入版圖改為十九小部拿破命既敗各國未即位公使會議於維也納十九部之外益以牙錯之日內巴拉牛弗砂德爾本屬普瓦來斯本屬三部共二十二部為瑞士國仍其舊俗自推鄉官理事酌地勢按戶口拔壯丁禦侮諸大國不得鈐制

給里翁在東方長三百五十里廣一百八十里戶口八萬八千應出壯丁一千六百地分三邑曰給里翁曰加德曰森給里至各領以鄉官頭人

伯爾尼一作北在腹地北境抵北方長三百里廣二百里戶口三十五萬應出壯丁五千六百二十巨室設戶半居於此鄉官二百九十人

瓦來斯在西南本屬墓地利割附於瑞長三百餘里廣百餘里戶口七萬應出壯丁二百八十鄉官七十六人

瓦烏的一作熱在極西長一百八十里廣一百五十里南界臨官斯丹薩湖風景幽絕城建湖濱居民造時辰表每歲得價銀

數百萬洋船販至中國者大半瓦烏的人所造也。戶口十七萬。

應出壯丁一千二百八十。鄉官一百八十人。

德西怒在南方。長一百三十里。廣一百二十里。戶口十萬二千。

應出壯丁七千八百。鄉官七十六人。

蘇子祿在東方。長一百五十里。廣一百十里。戶口十四萬四千。

應出壯丁二千六百三十。鄉官一百五十人。

蘇黎世在北方。長一百二十里。廣一百十里。戶口二十一萬。應

出壯丁三千七百。鄉官二百十二人。

盧撒爾拿在腹地。長一百二十里。廣一百里。戶口十一萬六千。

應出壯丁一千七百三十。鄉官一百人。

亞爾斯維亞在北方。長一百二十里。廣八十里。戶口十五萬。應

出壯丁二千四百一十。大鄉官一百五十人。小鄉官十三人。

弗里不爾厄在腹地。長一百二十里。廣七十里。戶口八萬四千。

應出壯丁一千二百五十。鄉官一百四十四人。

烏黎在腹地。長一百三十里。廣六十里。戶口一萬三千。應出壯

丁二百三十。鄉官十三人。別有副。

孰義的斯在腹地。長九十里。廣六十里。戶口一萬三千。應出壯

丁六百。鄉官三百三十人。

加拉利斯在西方。長九十里。廣五十里。戶口二萬八千。應出壯

丁四百八十。鄉官八十人。



牛布沙地。在西方。本屬普魯士。割附於瑞。長九十里。廣五十里。戶口五萬一千。應出壯丁九百六十。普魯士官四十五員。鄉官三十人。會同議事。

獨爾斯維亞。在東北。長一百里。廣八十里。戶口八萬一千。應出壯丁一千五百二十。鄉官一百人。

翁德爾瓦里的。在腹地。長八十里。廣六十里。戶口二萬四千。應出壯丁三百八十。地分上下二邑。各推鄉官理事。

梭律勒。在北方。地形槎枒。半在伯爾尼界內。長一百二十里。廣八十里。戶口五萬三千。應出壯丁九百。自推鄉官理事。

巴物一作巴德在北方。長八十里。廣五十五里。戶口五萬四千。應出

壯丁九百八十。鄉官一百五十人。有大書院。名最著。文儒所萃。

能宣布西教竟旨。

亞奔塞爾。在東北。包桑牙祿界內。長八十里。廣六十里。戶口五萬五千。應出壯丁九百七十。分內外兩邑。各推鄉官理事。

砂佛塞。在極北方。牙錯日耳曼界內。長七十里。廣四十里。戶口三萬。應出壯丁四百六十。鄉官七十四人。

日內巴拉。在西方。本屬普魯士。割附於瑞。長七十里。廣約三十里。戶口五萬二千五百。應出壯丁八百八十。鄉官二百七十八人。

蘇克。在腹地。長五十里。廣三十里。戶口一萬四千。應出壯丁二

百五十。自推鄉官理事。

按瑞士西土之桃花源也。懲碩鼠之貪殘而泥封告絕。主伯  
至族自成。卧治王侯各擁強兵。孰視而無如何。亦竟置之度  
外。豈不異哉。花旗人甘明者嘗遊其地。極言其山水之奇秀。  
風俗之淳古。惜乎遠在荒裔。無由漸以禮樂車書之雅化耳。

